



松筠小草第三卷目錄

敬和家大人六十自壽韻

柳烟

姮娥

梧桐月

冬夜

答玉峯葉媛泓湘見懷

題武陵綵繡

夜織

香奩雜咏

送別

咏落花

咏芭蕉扇

咏月

遣懷



長至偶成

寄懷陸氏姊

梅花

步月

採蓮曲

秋夜即事

春日

夜坐

海棠

送春

裘氏表姊招看牡丹即事

次韻咏美人十六首

謝陸氏姊贈筆

挽泥美人

九日

雪窓梅竹圖

秋日

長至夜

梅雨

乘涼

夏日

夏夜

寄懷陸氏姊

述懷

次和琴罷倚松玩鶴客

至汲泉烹茶

和舊題八首

花月吟廿首之二

雨夜

懷家

新正

人日

曲江道上

田家

挽張表嫂孫孺人

九日有懷先大人

洛陽花

綠牡丹

諸葛菜

琵琶

閩端陽

螢火

蛛網

咏菊二首

贈歌女

七夕

松筠小草卷之三

嘉定 侯 承恩 孝儀

敬和家大人六十自壽韻

浮雲富貴本忘機  
藝圃優游世所希  
心事一生惟樂道  
風塵半點不侵衣  
陶情煮茗携琴薦  
得意題詩坐石磯  
好覓丹砂駐顏色  
逍遙閱盡古今非

柳烟

濛濛雲霧罨陰濃  
一望長堤野徑中  
不是阿房香繚繞  
還疑灞岸月朦朧  
離亭惹恨連天碧  
小院凝

愁少夢通只在夕陽朝雨後黃鸝猶恐誤西東

姮娥

熒熒月殿逼清虛極樂長生意自如翡翠瓊裾余  
步障明珠貝闕玉堦除因偷靈藥成仙去盡刈塵  
根得上居常躡丹梯攀桂立羊家何日捧雲車

梧桐月

高枝何必鳳凰巢新引常將素魄邀萬里清光籠  
翠榦滿庭疎影浸霜綃銀牀玉女迎風立流水高  
山任意調秋信忽驚天上至寒蟾一墜葉初飄

冬夜

溪院無人月自明天空霜冷鴈來聲數枝梅影橫  
窓瘦一派寒光入夜清爐火未消烟尚裊燈花欲  
落蕊還生蕭蕭殘葉隨風杳聽徹城頭鼓四更

答玉峯葉媛弘湘見懷

錦心繡口月宮仙信手揮來白雪篇咏絮不須誇  
道韞只今佳句更爭妍

題武陵綵繡

女紅妙處亦傳神針線拈來過一春刺得雙雙衣

上蜨可知不是爲他人

夜織

簾外風寒雪作威一燈遙夜倚鳴機千梭盡出織  
織手知與誰人作嫁衣

香奩雜咏

內家粧束逐新時雅淡何須脂粉施對鏡莫將花  
比貌防他愁緒上蛾眉  
龍腦烟消冷繡幃鏡鸞塵掩未曾窺漫傷薄命如  
雲葉幾見才人得意時

菱花出匣映玲瓏巧試新粧繡閣中彷彿會心人  
不遠嫦娥現出廣寒宮

雲和按罷更調箏切切嘈嘈指上聲試問知音在  
何許鳳樓蕭史待和鳴

送別

代

昨夜西風起洞房朦朧臺榭月如霜蕭蕭落葉長  
亭外盡是離人淚染黃

咏落花

纔看紅紫鬪芳時旋見分飛綠滿枝最恨東風狼

籍甚不留一種慰愁思

咏芭蕉扇

誰把芭蕉巧樣裁  
攜從松下共徘徊  
清風腕底分明在  
不畏炎炎赤日來

咏月

誰懸寶鏡碧霄中  
皎皎清光萬里同  
千樹梅花渾不辨  
但看瘦影過牆東

遣懷

小窓人靜晝氤氳  
紫蘚蒼苔遠世氛  
寂寞形骸甘

化石蹉跎意氣尚  
凌雲亭前掩映花  
千樹松下踰躡鶴  
一羣買得近郊田  
半頃滿犁烟雨自耕耘

長至偶成

刺繡纔添一線長  
閒來聊復整琴床  
只疑雙鬢愁中改  
却喜孤松雪後蒼  
亭宇漸更新氣象  
麈吟還補舊詩章  
傷心往事何堪憶  
且自圍爐坐草堂

寄懷陸氏姊

寂寂愁聞烏鵲聲  
無憑短夢晝偏清  
擬將好句閒中展  
不覺離憂筆底生  
雨過堦前苔自綠  
花飛春

後蝶休爭相思未得常相見惆悵經時惜別情

梅花

冷艷原無異孤高自不同羅浮明月夜香徹夢魂  
中

林下誰爲伴冰霜只自知生成貞潔性紅紫不同  
時

清芬縈客夢驛路更思看賦性如金石風霜也自  
安

桃李非知己松篁有舊盟宮中還重否只恐已忘

情

步月

門掩秋蕪碧行吟興不孤廣寒宮闕裏亦自有情  
無

採蓮曲

輕盈婀娜自堪誇聯袂尋香到水涯折得花來比  
顏色却驚顏色勝於花

水不生波風不惡兩兩鴛鴦戲池角人情願比藕  
絲長莫似紅英容易落



秋夜即事

鳳闕雲霄外，銀河縹緲中。雙環金鎖合，孤帳麝烟籠。露重蛩吟苦，風清鶴唳空。通宵愁耿耿，夢繞五溪東。

春日

萬草千花爛熳開，日長扶倦立蒼苔。蝶迷殘夢飛還止，鳥惜餘香去復來。好古但收書滿架，無愁安藉酒盈杯。知誰庭院春光滿，蘭桂芬芳一處栽。

夜坐

聊爾良宵對卷叢，坐深忘却短更傳。因思閨苑青鸞信，更閱曹家白雪篇。斗室凄清燈是伴，孤懷寂歷夜如年。微風皓月成今夕，欲向嫦娥訴可憐。

海棠

掩映雕欄更粉牆，綠雲冉冉擁紅妝。丰姿定擬西家態，清潔寧須賈氏香。艷絕不勝初着雨，嬌酣無力半如狂。飄零棣萼三山遠，凝露和烟總斷腸。

送春

惜春無計可留春，把盞臨風暗愴神。幽恨只看飛

柳絮消愁何處踏花茵韶光以然都成夢天氣於  
今亦困人漫道明年重整易又經寒暑一番新

表氏表姊招看牡丹即事

百寶臺前第一名赤欄千畔見雲英玉堂錦繡原  
無價金谷繁華舊有聲魏紫香濃推獨步猩紅嬌  
艷比傾城須知培植功難量相顧寧忘眷念情

眉

遠山新畫黛凝香淡淡輕彎一線長漫道曾勞京  
兆手鏡中端自費思量

目

一點秋波溜處清任教無語也傳情憑欄偶作朦  
朧樣神自凝來媚自生

面

桃花爲頰玉爲顙綽約仙葩恰半開脂粉不施粧  
淡淡水容那肯受蜂猜

手

畫閣間將鍼線拈筍芽初透嫩纖纖若從御苑題  
紅葉定認瓊林白玉尖

晉

柔條裊裊怯風飄一捏春前嫩柳條裙繫藕絲羅帶薄等閒抹殺楚宮嬌

足

楚楚金蓮鳳履新輕盈摇曳步香塵摘花間向蒼苔立一瓣紅英最可人

淚

莫問啼痕幾淺深玉容憔悴翠蛾顰背人暗落知多少減却經時兩頰春

浴

雪似肌膚柳似膏蘭湯初試汗旋消卸粧更比新粧好短短輕衫淡淡綃

髮

曉起臨窓裊綠雲玉梳斜挽帶濃薰高堆鳳髻盤龍樣一縷烏絲兩股分

笑

臨風微哂露輕聲二月花間喚早鶯無語嫣然還一轉須知傾國亦傾城

聲

宛轉輕清更唧喁三春鶯燕在房櫳  
隔垣夜聽吟新句彷彿笙簧出漢宮

憔悴

似醉如癡掩淚頻帶圍寬褪小腰身  
髻雲撩亂眉峰鎖豈獨情多爲感春

服藥

長日恹恹祇倦眠盡嘗甘苦自相憐  
不須更服參苓散寒暖調時病始痊

遮扇

小簾輕羅金鳳翹携來頻自掩丰標  
只嫌未得全相識但露風情半面嬌

簪花

巧粧幾朶髻雲邊玉貌花容相映妍  
還向鏡中頻看取一般解語得人憐

奉佛

撥開塵想學參禪淡淡粧成儼似仙  
解得色空空即色拈花微笑自翩然

謝陸氏姊贈筆

紫毫碧玉管揮洒意殊深珍重貽香閣風流寫洛  
神唇脂無用點眉黛不輕勻長作相思字慙慙寄  
美人

挽泥美人

擬喚真真自有時如何倏忽隕丰姿魂消依舊成  
黃土粉碎空勞繫夢思惓淡一丸埋萼綠婁其三  
尺葬西施春光隔却桃源路隴上猶吟腸斷詩

九日

登臨此日是良辰戶外何來送酒人但覺寒風吹  
落帽正宜宿雨浥輕塵是夜微雨歲華荏苒將云暮禾  
黍豐登已薦新我欲題糕覓佳句不須萸菊散眉  
顰

雪窓梅竹圖

梅檀爲骨玉爲容春到枝頭許雪封同耐歲寒貞  
不改故山月下一相逢  
密葉疎枝罷畫欄養成勁節駐鳴鸞不輸春日花  
如錦掠取清風六月寒

秋日

心與寒山俱靜興隨燕子齊飛門外全無剝啄真  
成鷗鳥忘機

一片秋光淡沲無邊暮景淒涼回首舊遊如夢間  
來仔細思量

長至夜

凍雲凝皎月寒霧逼孤城好句憑欄得清茶倩婢  
烹正愁午夜永又是一陽生令節仍虛度灰心獨  
未平

梅雨

烟樹前村似畫圖乍晴乍雨步難扶花飛曲檻延  
藤蔓草長空庭叫蟋蟀新水烹來消永日江魚覓  
得便提壺綠陰冉冉三時候萬頃桑田好荷鋤

乘涼

樹影扶疎戶半扃納涼深夜坐閒庭蘭湯罷浴鬢  
猶潤荷芰飄香酒乍醒水掬盆中邀素月風來扇  
底撲流螢此時好景誰同賞銀漢淒清有四星

夏日

屏軀最是怯炎天攬鏡慵梳兩鬢蟬蘭麝不焚閒  
睡鴨北窓消遣舊冰絃

夏夜

小庭清寂晚生涼點點流螢度短墻燈影半明星  
月皎輕風暗送芰荷香

寄懷陸氏姊

芙蓉開盡暗香殘相見時難夢亦難想到支離常  
伏枕夜深無那獨憑闌博山爐冷慵添火焦尾琴  
懸久廢彈青鳥不來芳信杳蓬瀛知道路漫漫

述懷

形容枯木首飛蓬幾載光陰似夢中寂寞閒庭愁  
夜雨淹纏病骨怯秋風漫尋歡笑三生話若問行  
藏四壁空對鏡自嘲還自惜敢云薄命爲顏紅

次和琴罷倚松玩鶴客至汲泉烹茶

自來綠綺解陶情一奏薰風篆影清爲愛看松千  
歲古直須調鶴九臯鳴賞花人至詩初就喚友鶯  
啼雨乍晴新汲山泉雲液嫩與君閒坐試春茗

和舊題八首

金爐香燼

火燼金猊透夕涼  
水沉煙散氣猶揚  
芳心久似寒灰冷  
燒盡椒蘭不覺香

芸窓暗卜

手捧金錢暗自占  
重逢歸妹又多愆  
何時脫却紅塵去  
人世更張得免嫌

月榭哀絃

月影花陰映小樓  
自將綠綺散閒愁  
冰絃欲逐迴腸斷  
難覓鸞膠玉斧修

綺窓倦繡

春衫花鳥稱心描  
訝道新來只浪拋  
真境一生辜負盡  
繡針何用更徒勞

花間拭淚

臨風欲泣幾聲吞  
虛度韶華又一春  
着意問花花不語  
明年可有賞花人

燈下題情

花譜琴壇舊有盟  
相思相見隔三生  
近來消息應如意  
灼灼紅燈徧瑞莖



秋臺慵整

久弛膏沐綵髮鬆一江飛塵鏡上封寶匣翠鈿零  
落盡不知顏色爲誰容

翠幙更殘

寂寂蘭閨錦幙涼月明風靜夜偏長沉吟不寐更  
籌換好景何緣到睡鄉

花月吟廿首之二

廣寒花信月光涼月寢花宮夜漸長露下月明花  
有淚花間風過月生香衷懷訴月花應笑愁思瞞

花月漫張今夕花前好風月月清花潔費商量  
輕雲扶月上花梢淡月疎花影寂寥映月看書花  
字細惜花早起月鈎標月時腸斷憑花續花下魂  
消待月招窠好一生花共月願隨花月葬憔悴

雨夜

殘燈半壁篆煙微情緒離離獨掩扉徹夜雨聲愁  
裏聽故園春色夢中歸落花遙憶封苔砌新水應  
知沒鈞磯數遍更籌倍惆悵不眠惟有淚沾衣

懷家

松筠小集卷三  
虛窓寂寂夜眠遲弱質淹淹強護持有怨難逢知  
已話揮毫易寫斷腸詩巧憐鸚鵡羈深籠拙如鶴  
鷓鴣穩故枝夢覺捫心還自惜幽情誰解比蠶絲  
自別鄉園歸夢賒豈知咫尺似天涯含愁對酒心  
先醉拭淚攤書眼盡花衡泌棲身青鳥絕桑榆回  
首白雲遮寂寥竟日難消遣聊啟蓬窓看暮鴉  
棟花風起惜春殘一別音容會即難涼月半庭影  
共寂疎星幾點夜將闌忠言只向心頭憶冷淚還  
看鏡裏彈強作歡顏度長日背人那禁自嗟歎

惻惻淒淒日似年晚來東望只寒烟孤雲杳渺渾  
無賴倦鳥迴翔亦可憐絕處苦心徒自咽難量寬  
臆倩誰傳慈幃此際如思我兩地羈愁泣向天

新正

紆路寒風滿衙門舊戚稀愁懷隨日長人事逐年  
非虛置床頭酒空裁架上衣春光原有度楊柳欲  
依依

人日

新年過七日遑計泛壺觴儉歲徒逢節間身偏覺

忙亭臺仍燦燦松柏自蒼蒼簷鵲催人起梅花好  
試粧

曲江道上

野墅千門寂寒塘一水長倚舷舒遠目趁路掛危  
檣岸迥鷗眠穩春深麥秀香故園睽咫尺風景似  
他鄉

田家

遠市悠然一草堂綠楊修竹自成行時耕香稻將  
炊飯勤養春蠶爲製裳牧子跨牛吹麥管村翁沃

杖聽鶯簧此間榮辱何常到却笑人間名利場

挽張表嫂孫孺人

猶記春三月垂青一晤時逢人常致問對景每尋  
思方喜親顏色何期遽別離明珠沉合浦重見杳  
無期

九日有懷先大人感賦

考祥何處好登高猶記茅檐穩一巢竹葉新篳如  
玉色籬花晚節尚黃苞詩題閣上空存硯帽落風  
前少故交雨後寒生天氣爽不堪砧杵隔林敲

洛陽花

葵榴開後試芳妍  
姿態欣看五綵兼  
曾向上陽矜絕色  
肯傳丰韻到江南

誰剪春羅簇翠鈿  
丰姿孌孌得人憐  
似將賈誼袍中錦  
散入江南五月天

綠牡丹

瑤臺仙子本超羣  
金谷佳人種自分  
珍重狀元袍上色  
却將異彩映苔痕

諸葛菜

叢叢青紫是名流  
花國憑君學運籌  
春色三分駒隙影  
秋風原上不勝愁

琵琶

商婦曾同夜泊船  
六么聲似咽流泉  
罷彈不覺青衫濕  
爭似當年白樂天

閏端陽

時日雖同罷綵符  
葵榴開盡暗平蕪  
一樽獨泛南窓下  
試問菖蒲尚有無

無復龍舟競五湖  
舊游行處綠陰多  
小窓自把離

騷讀角黍何人弔汨羅

螢火

誰蹴星球繞徑行風飄露點更分明  
窓前吐焰依書幌座上流輝照管城  
宜與燈青同閃爍  
寂憐月白轉淒清  
終宵繞徧池塘畔團扇邀來似有情

蛛網

設陷飛蟲似水師層層密網傍簷施  
常乘霧月添新幄慣趁斜陽結素絲  
粉蝶誤投難解脫金蟬欲避轉稽遲  
辨才題鳳曾相較收放機關只自知

咏菊二首一名月下西施一名醉楊妃

露冷霜凝好自持芳心那許蝶蜂知  
蕊蘿村口留清影靖節園中亞素枝  
晚艷好同秋露湛幽香奚待曉風吹  
冰姿閒倚涓涓月猶勝吳宮醉舞時  
壽邸移來異衆芳閨風仙骨獨凌霜  
玉容紅暈含鷄舌秀色醺濃膩粉光  
靚麗自宜金屋貯蕭疎尤擅道家粧  
沉香亭北嬌無那笑倚君王錦瑟傍

七夕

耿耿羈愁各半天端於今夕會神仙  
銀河靈鵲填

須早一過佳期又隔年  
斜月纖纖玉漏遙雙雙鵲渡在今宵相逢莫怨經  
年別猶勝人間久寂寥

贈歌女

如簧巧調任悠揚婉轉珠圓玉齒香一曲果堪償  
百鎰春風閒却杜韋娘

松筠小草第四卷目錄

和香奩瑣事二十四首

寄懷陸氏姊

讀陸氏姊來翰賦寄

雨窓憶家慈

寫懷

別

消遣困人天

偶成

寄陸氏姊

七夕

牡丹

芍藥

繡球

荷花

蘭花

菊花

梅竹

水仙

秋海棠

雨後閒眺

古意

梅花次韻

秋夜對月

題壽画

送陸氏姊還山

除夕

新煙

新蝶

新水

新鶯

新草

新月

新燕

新柳

丙子秋日風雨大作

古意

過陸氏園屋

病懷

答陸氏姊

九日偶成

蔡文姬

王明妃

劉阮遇仙

卓文君

楊太真二首

落花

石湖泛月

閨怨

冬望

松筠小草卷之四

嘉定 侯 承恩 孝儀

和香奩瑣事二十四首

隨時弄月與吟風興到春來更不同  
媚綠妍紅殊可意愁懷都放酒盃中

簾外穆穆草色濃日長消遣繡芙蓉  
耽心不覺斜陽近驚見如鈎月照儂

何事燈花夜夜垂佳期應卜在春時  
欲將舊日容顏整對鏡殷勤問侍兒



嚴粧無力不勝衣  
怪殺新來好夢稀  
花自鮮妍人自瘦  
畫梁愁見燕雙飛

金谷春深少雁書  
困人天氣日長初  
無聊獨自憑欄望  
蜂蝶聯翩愧不如

淡素何須飾粉朱  
家常祇着舊羅襦  
勤工針線兼文墨  
女範休嫌禮數拘

花滿閒庭草滿堤  
日融風暖燕爭泥  
愁情無限從頭憶  
福慧人間那得齊

小小新成繡鳳鞵  
偷閒緩步下香階  
寂寥深院無

人到風送飛花落  
鈿釵

梨雲無夢月重來  
蟾子拋絲落鏡臺  
心事自須占好兆  
金錢欲卜轉疑猜

暖風似酒滯濃醺  
無着心情半是雲  
偶自尋芳又牽恨  
薔薇刺骨藕絲裙

月半明時酒半溫  
枉拋焦尾倦黃昏  
一庭樹影窺窓隙  
幾許幽情入夢魂

閒傍瑤堦學種蘭  
棘林快覩鳳巢安  
須知終是雲霓格  
莫作尋常鴛鴦看

水簾風微夢乍還滿腮香汗粉成斑盤堆雪藕消  
煩渴間却搔頭白玉環

遠引清香畫閣前新開紅艷一池蓮聲聲款乃凌  
波去何必還尋弱水船

曉月籠烟掛柳梢啟窓金釧自輕敲夜來茉莉新  
開遍雲鬢粧成不忍拋

冰雪心腸厭濁醪任他琥珀酌葡萄茶清香煖明  
窓下索畫搜詩不憚勞

淡紅衫子剪晴霞綽約臨風繡帶斜香氣襲人如

百和遍身都是定宮花

銀河淡淡月三更此際何人翠陌行報道夜深愁  
不寐鄰家姊妹隔花迎

葯房燈灺酒初醒侍女煎茶過小庭微月窺窓三  
徑寂雁聲嘹唳不堪聽

靜夜無聊獨倚樓誰家玉笛韻悠悠人間亦有傷  
心處譜出清音一段愁

焚香閒自理瑤琴半是陶情半養心松下偶然調  
別鶴好風先與送佳音

今生空復佩宜男就裏心期只自諳欲向中庭訴  
明月石堦驚折鳳頭簪  
柔肢無賴怯纖纖為怕風寒不捲簾兀坐看書過  
半夜金猊香燼更重添  
愁鎖眉峯淚滿衫天涯何異隔仙凡詩成一字腸  
千結浪說鱗鴻解寄緘

寄懷陸氏姊

一日三秋幾夢思天涯咫尺雁書遲菱花倦掩黃  
霉後風景看成綠暗時病渴新來頻淪茗懷潑長

夜祇裁詩閨中有友能相憶月底談心更泥誰

讀陸氏姊來翰賦寄

新詞戛玉更敲金長自臨風百遍吟丹桂隔林香  
尚遠仙源極目路猶深鷓鴣恨少凌雲翼葵藿空  
懸向日心無限離懷君記否夢魂隨月幾相尋

雨窓憶家慈

經旬風雨暗窓紗值此淒涼每憶家消息不來因  
路阻桑榆雖在隔天涯心無聊賴頻繙卷夢亦難  
安祇嗅茶午漏漸沉日又暮虛期昨夜報燈花

寫懷

一枕全憑夢境佳日長何計遣幽懷風敲花片粘  
蓬鬢露印苔痕濕繡鞋詩筆新來憐頽禿冰絃久  
矣付塵埋此生不道常如此細數從前事事乖

別

晴色臨窓鳥亂啼忽聞別去黯淒其愁懷欲說匆  
匆甚難倩長楊繫馬蹄  
草芳波綠柳絲絲離恨從來未易支執手贈君無  
別語歸期莫待月殘時

消遣困人天

花前相賞雙飛蝶窓下推敲五字詩閑拂冰絃調  
別鶴熏爐香篆一絲絲

偶成

愁減芳容病減肌不堪重整舊時衣如他簾外雙  
雙燕得向春風上下飛

寄陸氏姊

花影迴欄日又曛近來芳訊杳無聞丁寧鸚鵡休  
調舌枕上尋思好夢君

明月淒清映繡簾孤燈如豆夜如年玉人此際相  
思否樹密雲深悵各天

七夕

銀河清淺玉繩低槐蔭生涼夜靜時風落佩聲雲  
外過香飄花影月中移更籌莫訝今宵促會面先  
愁隔歲期為語鵲橋須早駕良辰一擲又差池

牡丹

自是無雙艷春來鬪麗華嫣然傾國色冠絕上林  
花

芍藥

解識花王貴還知花相尊將離春已暮猶自艷朱  
門

繡球

淡淡梨花白團團素魄寒春風吹不散留作繡球  
看

荷花

凌波憐錦襪應號洛川神好作空王座根源不染  
塵

蘭花

從來深谷隱聲價重如金  
既入燕姬夢還鳴宋玉  
琴

菊花

開近重陽信清芬三徑中  
羨他枝上老勁節不隨  
風

梅

冰魂雪魄絕纖埃似向孤山載得來  
寒艷不須金屋貯一簾  
霜月共徘徊

竹

最愛此君耐久看蕭蕭風動碧琅玕  
依稀蔣徑分來種露葉烟梢映日寒

水仙

性自孤高質自柔小窓靜對最清幽  
凌波姑射渾相似艷影清香襯月流

秋海棠

數朶輕盈傍玉墀露華微綴逞丰姿  
却疑西子妝成日間向秋風小憇時

雨後閒眺

整理尋詩興來看雨後花紅稀草漸長水沒路還  
賒遲日收輕霧疎林噪暮鴉莫愁天塹遠此際好  
乘槎

古意

獨宿空房裏愁聞風雨聲寒蛩催夜織落葉打窓  
鳴蟬鬢燈前亂蟲絲鏡上盈玉關無雁字遙憶不  
勝情

梅花次韻

蕭疎清影過墻東玉質冰心孰與同自有丰標富  
貴外天然香徹夢魂中高枝耐冷舍初日素色先  
春待好風驛裏無人寄消息小園一笑意融融  
占將春色一枝枝歷盡冰霜只自知處士魂消還  
入夢騷人心折欲題詩風流旋喜香初滿游賞毋  
愁月到遲冷艷幾多描不盡最宜紙帳夜闌時  
日午春庭影未西一枝香艷印晴溪如霜徧野迷  
天近似月旋空壓水低冷淡不招蜂蝶妬淒清肯  
伴杜鵑啼只愁風信相催急收貯詩囊取次題

天公試巧琢瓊英滿樹新粧枝半橫瘦骨凌霜同  
月皎芳心耐冷似冰清師雄夢裏誰爲伴和靖山  
中意自傾若使上林能採擇人間紅紫一時輕  
性屬山阿與水濱十分丰韻占芳春未飄那許傳  
佳客欲折先思贈美人久矣名堪推絕代從來心  
不染纖塵亭亭獨絕誰相偶修竹蒼松是比隣  
形影相憐傍繡窓妍華天賦照紅粧冰姿玉潤還  
饒艷雪蕊珠圓更帶香望去朦朧深掩月折來澹  
灑淡凝霜年年寂寞山蹊下何事當時近壽陽

秋夜對月

長天月皎皎四野風微微銀河如匹練雲間露華  
霏綿綿落緯聲切切警空機仰首興歎息豈云念  
無衣祇恨年光促何時遂采薇嫦娥應笑人性僻  
知音稀孑然愁病身形影將何依世事如泡影人  
生能有幾煩惱當盡除安分可忘饑斯言如未覺  
但看露草晞徘徊沉坐久神向廣寒飛

題壽圖

綠樹森森雲滿塢巖山嶺上琪花園玉沙瑤草護



巖扉烟霞迥隔風塵路中有幽人結靜緣放懷泉  
石披襟坐榮枯不着道心閒悠然三徑神仙府金  
丹何必海外求顏似貞松千歲古

送陸氏姊還山

十載神交悵遠離只今何事展愁眉還山已遂于  
飛願同志終虛把晤期緣結好憑隨去夢心懸聊  
就送行詩不禁別後遙相憶待寄芳音慰所思

除夕

人聲紛雜爆聲高簾外寒深雪未消曆轉新陽期

後日歲同殘臘盡今宵朱顏綠鬢隨年改銀燭金  
爐徹夜燒好待春風來大地綺窓明鏡整雲翹

新烟

着處無踪鎖一蹊清晨雨後夕陽西瀾漫似欲紫  
花苑濃淡還來冑柳堤乍蒸龍涎明月下初飛燕  
羽畫樓低飄揚莫逐行雲散留結深山化彩霓

新蝶

睡起花宮翠幄開乍翻粉翅過牆來韓憑塚上魂  
初化莊子園中夢未回已識風情頻覓侶早知春

意解尋媒箇人相愛能招引欲把冰紈仔細裁

新水

雨過池塘幾尺添一竿垂處釣魚便迷離驟長連  
根草隱約初生並蒂蓮斷岸波洄妨野渡平橋柳  
拂碍行船清漣可漱還堪掬煮茗何須第一泉

新鶯

纔看出谷染輕黃過却花莊又柳塘強欲試飛還  
自怯漫期學語未成簧簷前恰恰驚幽夢檻外翩  
翩拂衆香紅杏枝頭求友切多情不讓綠衣郎

新草

一到陽春色倍滋如茵小步踏青時綠波隨地晴  
方好翠黛連天雨更宜繞徑渾疑鋪碧簾映簾偏  
訝得清漪萋萋獨有王孫恨觸目南塘悵別離

新月

忽見清輝半檻幽纖纖斜映晚粧樓乍疑張敞修  
眉黛還訝嚴陵失釣鈎影落池塘魚覓餌光分林  
樹鳥空愁莫嫌未得輪常滿三五良宵在轉頭

新燕

畫棟容巢覓小材春風剪剪社前來差池每覩雙  
禽鏡上下還依七寶臺築壘啣泥防雨露穿花掠  
水淨塵埃窺簾固是多情者王謝堂空事可哀

新柳

淡籠烟雨不勝嬌每愛柔枝近畫橋歧路思歸凝  
目斷江亭折贈黯魂消垂垂似線舟難繫葉葉如  
眉筆乍描自有千般丰韻在風前解舞小蠻膏

丙子秋日風雨大作感賦

颶風雷雨輒終日拔樹翻江山欲裂平空湧湧吼

聲聲掀雷勢恐蛟龍出驚魂坐卧總不寧只愁禾  
黍無顆粒頽垣破壁最難支儘有孤嫠相對泣泥  
深水沒行路難紙窓碎裂琴書濕應是天庭怒譴  
災吏民不職使經歷賢愚混雜無所逃鵲巢今欲  
為魚窟我生何故逢此時安身無計常竦慄米珠  
薪桂且漫言床第幾遷非一夕空階滴滴不耐聽  
揉亂中心如蠅集窮簷何處不驚聞翠榭紅樓亦  
岌岌

古意

君既贈我以明月之璧我將報君以夜光之珠明月當空長皎潔明珠千古光自如月有陰晴與圓缺珠得隨君共歡悅悲歡惟有兩心知深情萬種憑誰說君有幽懷托夜光我留明月照空床一般心事須珍重各抱相思暗裏傷

過陸氏園居

雲水邨中一草堂修篁碧柳徧池塘玲瓏石吐千峯秀幽艷花分九畹香澗上苔深容鶴步松間風過冷羅裳徘徊竟日忘歸去回首城頭月正黃

病懷

寂寂空閨夜似年夢魂顛倒不成眠蛩吟破壁愁孤影風捲殘蕉歷短椽細雨摧花無賴日濃雲掩月奈何天尋思萬事堪長恨縱有微軀值幾錢蛩語淒涼三徑幽暫尋歡笑獨登樓當窓香篆無風直拂檻花枝映水流身在且看今夜月心空消盡昔年愁泉臺有路須歸去安穩憑誰為我謀

答陸氏姊

人阻遙天各一方暮雲春樹兩茫茫愁來細展千

函信室邇難將一葦航無限相思心暗結可勝惆  
悵日偏長舊時花月同誰賞空羨吹簫引鳳凰

九日偶感

蒹葭白露藹蒼蒼何處登高共舉觴縱有詩文酬  
令節可無萸菊供閑房翻飛樹杪鴉千點嘹唳樓  
頭雁一行衰草斲雲天漸冷寒衣未製怯風霜

蔡文姬

恩怨難明任去留胡笳一拍幾千愁關山絕越分  
南北淚到傷心不忍流

王明妃

馬上琵琶向北風身違心只戀深宮千年青塚空  
埋恨悞殺紅顏是畫工

劉阮遇仙

天台勝槩豈巫陽自是仙家歲月長一隱不知塵  
世事玉沙瑤草滿山香

卓文君

鸞分鏡影乍悲孤一奏求凰行已污若說相如非  
薄倖如何紅粉自當壚

楊太真二首

自沐君王恩寵多  
嬌酣無那倩人扶  
翠華馬上桃花色  
傳道風流是玉奴

紅袖蹁躑躅  
翠鬟乍疑掠水燕  
飛還霓裳一曲清  
妍處不數新來謝阿蠻

落花

無力回天攬衆芳  
繁華轉眼頓淒涼  
摧殘玉質根還在  
消盡冰魂土亦香  
寂寂池塘春已去  
紛紛蜂蝶舞空忙  
千金一刻誠難得  
不覺臨風暗自傷

不着高枝委路旁  
人間難覓返魂香  
月明荒徑情何限  
燕語空梁怨自長  
夢斷梨雲迷宿霧  
聽殘蕉雨泣斜陽  
好陪紫玉埋黃土  
無事休來倚宋牆  
春光好處鬪芳姿  
遽爾離披不自持  
未免有情尋舊徑  
可堪回首剩空枝  
飄流漫說根原淺  
護惜還憐賞獨遲  
瘞玉竟成千古恨  
無端風雨悞佳時  
隨風飄泊自紛紛  
芳草連天綠滿村  
無計膠粘還並蒂  
空煩細數泥黃昏  
心仍解語應含怨  
容尚留嬌失故痕  
莫向簾前做憔悴  
斷腸人見易消魂

茶蘼開盡困人天幾度尋踪竟杳然從此何心還  
早起只應想像對愁眠殘香漠漠空幽徑別緒離  
離付錦箋墮紫殘紅今已矣好憑青帝待來年

石湖泛月

爲愛清光好經游勝蹟前片帆風力順高樹露華  
鮮素彩流銀漢浮雲淨碧天河山垂一統襟帶冠  
三川縱目乾坤大潛聽歌吹填越來隨可即香水  
望還連冰玉千秋鑑澄清萬里傳扣舷懷往哲擊  
筑盼飛仙翹首青雲路長吟白雪篇

閨怨

日來憔悴難排遣青鸞鏡上紅塵滿春花秋月總  
關心花殘月缺添悽慘鄰家姊妹相憐問何事容  
顏消瘦盡含悲強自謝君言同懷知己休相晒十  
年夫婿阻遼陽不念空閨歲月長傷心夜雨梨花  
色腸斷春風荳蔻香傷心腸斷誰相惜冰蘂和熊  
徧自嘗無聊悵望天涯遠鴻雁不來音信斷綠苔  
砌下暗蛩吟嗚咽聲聲心曲亂愁緒千重病易成  
淹淹強起神還倦漫云療疾仗參苓就裏何人知

松筠小集卷四  
冷暖重門深閉杳無聞畫粥分羹不自禁誰家珠  
翠粧新樣誰家絲竹奏清音人間儘有歡娛處已  
分今生水底沉自是別離滋味惡妬花風起摧花  
落花落明年復再鮮青春一去空擔閣閒來悶把  
瑤琴弄形影蕭條誰與共宛轉思君曲未終一輪  
明月雲間湧歛衣坐起臨風立廣漢盈盈難奮翼  
遙憐萬里夜窓前同此清光不同臆銀河何處鵲  
填橋耿耿長空天慙遙我身若似天上月清光一  
片待君邀痴心願化山頭石痴情願逐海中潮山

石千年豈變更海潮亘古有澄清浮沉總在乾坤  
內如結心情永不泯妾心匪石不可侵郎情覆水  
寧復斟始終憐我情何似看取寒潮幾淺深幸爾  
偶來閒話久却勝家書抵萬金更闌自把房櫳掩  
往事重提心似剪珊瑚枕上落寒冰滾滾如珠不  
成串悠悠夢去關河險虎嘯猿啼人不見高山危  
危水茫茫層巒無際涯無岸點鼠翻梁驚夢殘半  
窓落月透幃寒此時此際腸千結有淚吞聲未敢  
彈



冬望分得封字

一帶涵空濶登臨眺遠峯寒光凝白露殘葉點蒼  
松野寺連天迥庭梅被雪封嬾尋千古蹟且看萬  
山容村落都岑寂亭臺半改蹤塔鈴風際響日色  
樹邊濃水凍潮仍漲鴉飛林偶逢尋歡須挈伴得  
景莫言慵

